



Peqqissutsimut Ataatsimiititaliamut

## Ullormut oqaluuserisassani imm. 29-p siullermeerneqarnerani partiit oqaaserisaat pillugit

Nakorsaatit pillugit peqqussutip allannguutissaatut siunnersuut Naalakkersuisut siulittaasuata Hans Enoksenip uanga najuussinnaannginnerma nalaani saqqummiussinnaammagu qujassutigaaara. Siullermeerneqarnerani partiit apeqqtinik saqqummiussippat akiumasannik, taamaalluni Peqqissutsimut Ataatsimiititaliami suliarinninnermi apeqqtit taakku ilanngunneqarsinnaaniassammata.

3.05.2006  
J.nr. 45.04.01

Postboks 1160  
3900 Nuuk  
Oq/tel +299 34 50 00  
Fax +299 32 55 05  
peqqip@gh.gl  
www.nanoq.gl/peqqik

### Siumut

Siumut inassuteqarpoq siunnersuut taamatut isikkoqartillugu aappasaaneerpeqassasoq.

### Inuit Ataqtigiit

Inuit Ataqtigiit siunnersuut ilassilluarpaat inassutigalugulu tamanna pillugu paasisiniaasoqalernissaa suliniutigineqalissasoq, paasisutissallu inuiaqtigiinnut iluaqtissanngorlugit saqqummiunneqassasut oqaatsit marluit atorlugit.

Nakorsaatit inatsisitigut akuerisaasut pillugit Namminersornerullutik Oqartussat nalunaarutaat nr. 22 14. november 2005-imeersoq malillugu malittarisassat ullumikkutut isikkoqarneranni takuneqarsinnaavoq nakorsaatit suut Nunatsinni inatsisitigut akuerisaanersut. Nalunaarut kalaallisut qallunaatullu allassimavoq.

Nakorsaatit inatsisitigut akuerisaasut allattorsimaffii takuneqarsinnaapput takussutissiami nittartakkamiittumi [www.peqqik.gl](http://www.peqqik.gl) -imi. Nittartakkami tassani kalaallisuujuullutillu qallunaatuujupput, taamaasilluni qaqugukkulluunniit kalaallisut takuneqarsinnaalluni tassani suut pineqarnerisut. Nakorsaatit taaguutaasa latinerisut allassimanageri allanngortinneqassanngillat. Nakorsaatit inatsisitigut akuerisaasut allattorsi-

maffiini takuneqarsinnaapput nakorsaatiip taaguutaa, nakorsaasiortup aqqa, napaatinut sunut nakorsaataaneranut ilisarnaat sunaanersoq, tunniunneqartarnerani maleruagassat ilisarnaataat suunersut kiisalu tunisassiap normua.

Inuit Ataqatigiit akueraat Nakorsaatiit pillugit ataatsimiititaliap nakorsaatinik akuersisartussaanaera, oqaatigaluguli nakorsaatiit siunertarisamik uniuilluni sunniuteqarsimanerannut atatillugu akisussaaffimmik inissiisoqartariaqarsinnaanaera. Ima tamanna paasivara akisussaasoqartariaqassasoq nakorsaat atorineqartoq siunertarinngisamik sunniuteqapilussimappat imaluunniit nakorsaatiip akuerisaasup nakorsaasiarineqarnerani kukkuluttortoqarsimassappat.

Tunisassiarinerani kukkuluttorsimanermut akisussaaffik tamatigut nakorsaasiortumiittartussaavoq. Tamanna Nakorsaatiit pillugit ataatsimiititaliap imaluunniit Naalakkersuisut akisussaaffigisinnaanngilaat. Nakorsaat siunertarinngisamik sunniuteqapilussimappat akisussaassutsip sumiissaneranut apeqqutaalissaaq nakorsaasiortoq sunniutipilugisinnaasaanik siumungaaq mianersoqqussuteqarsimanersoq. Sunniutipilugisinnaasaanik mianersoqqusisoqarsimanngippat nakorsaasiortoq sanaaminut akisussaassaaq. Sunniutipilugisinnaasaanik mianersoqqusisoqarsimappat apeqqutaalissaaq sunniutipilugisinnaasai naatsorsuutaareersimanersut kiisalu nakorsap taassuminnga nakorsaatitulersoq sunniutipilugisinnaasaanik naammaginantumik ilisimatissimaneraa, nakorsaatitulersorlu ilisimatinneqarnini tunngavigalugu akuersisuteqarsimanersoq. Nakorsartinnerit ilaat ajoraluartumik nakorsaatinik sunniutipiluttalinnik atuiffiusariaqartarput. Taava apeqqutaalissaaq napparsimasup akuerisinnaassaneraa nakorsaatitornermigut sunniutipilui imaluunniit napaatimi inuunerlutsitsinera inooqataaffigerusunnerunerlugit.

### Demokraatit

Demokraatit ajuusaarutigaat tusarniaanermi tusarniaaffigisaagaluit pingaaruteqartut arlallit tutsiussimanninneri. Soorlu aamma siullermeerneqarnerani ersertoq nalinginnaalluinnarpoq tusarniaanermi saaffigisat inatsisissatut siunnersuummut oqaaseqaateqassanngikkaangamik tutsiutinngitsuuginnartarnerat. Naalakkersuisut soorunami tusarniaanermi saaffigineqartut tamarmik tutsiuttarnissaat kissaatigigaluarpaat – aamma inatsisissatut siunnersuummut oqaaseqaateqassanngikka-luarpataluunniit. Naalakkersuisulli paasilluarpaat suliassat allat pingarnerusut pisariaqartitsinikkut siulliuttartariaqartarneri.

## Atassut

Atassutip oqaatigaa allannguutissatut siunnersuut, ingammik kalaallisoornera, paasiuminaatsuusoq. Siullersaallunga ajuusaarutigaaara allannguutissatut siunnersuut paasiuminaatsinneqarpat.

Atassutip oqaatigaattaq nalorninartoqarsinnaasoq peqqussummi sorliit atatiinnarniarneqarnerisut sorliillu allangortiteriffiginarneqarnerisut.

§ 7-mi immikkoortoq nutaaq imm. 2 ikkunneqassaaq taamaalilluni imm. 2-jugaluag imm. 3-nngorluni. Massakkut § 7 imm. 3 allannguiffigilarlugu § 8-mi malittarisassanngortinneqassaaq. Massakkut § 8-tut atuuttoq pisariaarutissaaq peerneqassalunilu.

Aammattaaq Atassutip ernumanartoqartippaa Nakorsaatit pillugit ataatsimiititaliap nakorsaatinik akuersisinnaatitaanera, nakorsaatillu sorliit tuniniarneqartarsinnaasaneerannut kiisalu nunamit eqqunneqarsinnaallutillu anninneqarsinnaanerannut akisussaaffeqalertussaaneera. Atassutip isumaa malillugu akisussaassuseq taman-na Naalackersuisuniittariaqaraluarpoq.

Ilisimatitsissutigineqassaaq Nakorsaatit pillugit ataatsimiititaliap nakorsaatinik Danmarkimi akuerisaanngitsunik imaluunniit Danmarkimi akuerisaanngikkaluartunik Lægemiddelstyrelsemit atorneqarsinnaanerannik akuerisaasunik akuersisartuunngimmat. Naak Danmarkimit aqunneqannginnissaq danskillu inatsisaannik atuinnginnissaq kissaatigineqaraluartoq, Nunatsinni suliffiuteqartoqanngilaq nakorsaatilerinerinnarmik suliaqarsinnaasumik. Nunarput nunat allat tamakkuleriffiinik akuersisartunik allatut ajornartumik atorfissaqartitsivoq. Nakorsaatit pillugit peqqusut naapertorlugu "nakorsaat akuerisaasutut isigineqassaaq Naalackersuisut Nakorsaatit pillugit ataatsimiititaliap inassuteqarnera naapertorlugu nalunaarusiornikkut nakorsaatit allattorsimaffiinut ukununnga nakorsaammik ikkussisimappata". Tassa imaappoq Nakorsaatit pillugit ataatsimiititaliap tassaavoq peqqinnissaqarfimmi sulisunik toqqakkanik, nakorsaatinik immikkut ilisimasalinnik ilaasortalik, takussutissaliortussaasoq nakorsaatit allattorsimaffiinik, Naalackersuisunullu inassuteqartussaasoq allattorsimaffiit akuereqqullugit. Allattorsimaffinniipput nakorsaatit assigiinngitsut 7500-nit amerlanerusut.

Naalackersuisunut ilaasortat ataqqinaraluaqisut taakku nakorsaatinik tamakkorpassuarnik taakkualu sunniutipilugisinnaasaannik naliliisarnissaminnut piginnaas-

suseqangaarnaviangillat. Naalackersuisunut ilaasortat allatut ajornartumik Nakorsaatit pillugit ataatsimiititaliap inassutigisai tatigiinnartariaqassavaat taamungaanarlusooq akuersissuteqartarlutik. Taamaattumik kissaatigineqarpoq nakorsaatinik akuersisarneq allaffissornikkut aalajangiiffiusassasoq politikkikkut aalajangiiffiunani, ingammik allannguutit piaarnerpaamik ajornaatsumik atuutilertarnissaat eqqarsaatigalugu. Nakorsaat akuerisaassagaluarpat naammaginartumik misilittagaqarfiunani assigisaanilluunniit pisoqassagaluarpat, akisussaassuseq akuersisumiittussaassaaq, taamaalillunilu politikkikkut akisussaaffik Naalackersuisunut ilaasortami peqqinnissaqarfimmik akisussaaffilimmiilissaaq.

Neriutigaara saaffiginnissut tamanna partiit tungaanniit allannguutissatut siunnersuummut tamatumunnga qularutaasut ilaannik ersarissisitsissasoq.

Inuulluaqqusillunga

Asii Chemnitz Narup